

De verbauwen van t lutje hoeske van Doetje Klaain tot n volweerdeg doktershoes is t eerste wat der gebeuren mout. Mit n deurkezien komst traauwens al n inde op glee. t Olde stroalkaggetje oet de badkoamer hebben ze volgens Doetje nait meer neudeg en wordt doarom ombatterijd tot n moderne oardstroalenverwiederoar. Zusje sputtert oardeg tegen, mit t bekinde rezeltoat. Zai het gelokkeg veur Doetje wel n bult verstand van medisienen.

## Viefde òflevern

*Der is veul lewaai van geschoef en getimmer.  
Lied oet de luudspreker: dokter Bernard*

### Wat je zain

#### Doetje:

*komt mit n deurkezien d'koamer  
binnen*

#### Zusje:

*is mit kopstubber aan t stofken,  
dat stof in t ronde vlugt*

#### Doetje:

*kikt heufdschuddend noar Zusje  
pakt den n hoamer en haauwt  
t kezien vast*

#### Fred:

*komt lagend binnen  
het n groot rond schaarm op  
d'nekke*

#### Doetje:

#### Fred:

#### Doetje:

#### Fred:

*trekt onverschilleg mit d'scholders  
en pakt t schaarm van de nekke of*

#### Doetje:

#### Fred:

#### Zusje:

*jammert*

#### Doetje:

#### Zusje:

*jammert*

*gaait den verder mit stofken*

#### Fred:

*zet t schaarm midden in  
d'koamer hin*

#### Doetje:

*goit zien hoamer in n bakke*

### Wat je heuren

Hier mout den mor de deure tussen de spreekkoamer en de wachtkoamer kommen. Of nait, Zus!!

t Is mie aal goud.

Maal goud, zolst bedoulen

Da's laank leden, leuf ik nait

Wat bedoulst.

Dast n hoamer in d'handen had hest.

Dat moust doe net zeggen. t Dut mie nij dast waist dat dit n hoamer is. Doe! Doe hest dien levend laank looi Evert al op d'rogge had.

Gefst doe veurwaarpen tegenswoordeg ook al noamen.

Woar hest dat olde ding vonden. Achter t hoes meschain.

Nee, dit stroalkaggetje hong gewoon bie die in de badkoamer.

Nou mout ik mit t wasken zeker kolde lieden.

Ach, hold die toch stil. Doe waskest die ja toch nooit.

Lokst. Ik heb mie veurege weke nog in t gruine waskeblik wossen.

Doetje Klaain, leg doe mie nou mor es oet, hou dien nije oardstroalenkaggetje waarkt.

t Was n kaggetje, mien jong, mor t is nou n oardstroalenverwiederoar. t Is net as ons pabbe vrouger zee as pestoor vrijdoags langs kwam en wie haren vlais op t bord liggen, den zee e: nou bistoe gain vlais, nou bist doe vis.

**Fred:**

*kikt ongeleuveg*

**Doetje:**

En zo'n verhaal mout ik leuven?

Huifst nait alles geleuven, heur. Mor goud, ik zol die vertellen hou dit apperoat waarkt. Mor neem ain ding van mie aan. Ik heb in mien levend al wel leerd, dat as je mìnsen wat willen loaten geleuven, mout t echt woar wezen of swoar overdreven.

**Fred:**

En wast doe mie nou op de maauwe spelden wilt is dus n dikke leugen.

**Doetje:**

*kraabt zok op t heufd*

Nee, Frederikus, dit moal dus nait. Mor moust wat van de mìnseleke psychologie waiten om dit goud te kinnen begriepen. Dou even duur. Liekst ja wel n perfester.

**Fred:**

**Doetje:**

As je wat van de mìnseleke geest waiten en goa mor bie die zulf te roade, den waist dat ain van de staarkste emootsies van mìnsen baangeghaid is.

**Fred:**

Bevubbeld veur n kwoie veldwachter?

**Doetje:**

Joa, zo ongeveer, mor lu binnen veural baange veur t onduudleke en t onzichtboare.

**Fred:**

Ohh, nou begun ik t te begriepen. Doe wilt aander mìnsen baange moaken.

**Doetje:**

Nee, haalfwieze. Ik wil ze juist minder baange moaken.

**Fred:**

Ik zai t al veur mie. Komt n pasjint de spreekkoamer binnen, dij al n joar laank nait sloapen kin van kopzere en buukkrampen, zegt de dokter: O, ik zai t al pasjint, de oardstroalen hebben joe in de greep. Wat dut de zaïke, dij is in ain streep weer verdwenen. Oardstroalen? Doar wil toch gain mìn wat mit te moaken hebben.

**Doetje:**

*gaait ter bie zitten*

Dat doun wie dus hail aans, zuster Fred. As zo'n zaïke man of vraauw hier binnen komt, den zetten we ze veur de oardstroalenverwiederoar. Wie nemen eerst n foto van de pasjint en den goan we rusteg ofwachten of ons kaggeltje begun te branden. En as dat zo is, den leg ik dat oet as: kiek es meneer, mevraauw. Onze oardstroalenverwiederoar het t belangriekste in joen genezingsperses al op gang brocht, hai het aal t negatieve energie der oet hoald en omzet in waarmte.

**Fred:**

En den is de pasjint genezen verkloard. Nou dat lucht op, mout ik zeggen.

**Doetje:**

Nee, Fred, ik kin zain dast doe vrouger gain ekonomie op school had hest.

**Fred:**

Eko .... ekono ....ik kin t woord al hoast nait oetspreken, loat stoan da'k wait wat het betaikent.

**Doetje:**

Dat betaikent allendeg mor, dat elk bedrief winst moaken mout, aans kin t nait oet.

**Fred:**

En veur dat geintje mit dat old stroalkaggeltje mouten de mìnsen den geld betoalen.

**Doetje:**

Nee, veur t drankje.

**Fred:**

Welk drankje.

**Doetje:**

Dijst doe en Zusje dammeet goan moaken.

**Fred:**

O???

**Zusje:**

*komt ter bie zitten*

Ik heb vrouger mit ons moeke aaltied n houstdraankje moakt.

Van zui... zui.....

**Fred:**

Van zuipenbrij?

**Zusje:**

Nee, jong, van zuitholt. Den deden wie n zuitholt .....

**Doetje:**

*moakt n ongeduldeg geboar*

**Zusje:**

*kikt verongeliekt*

**Doetje:**

*tegen Fred*

Nou nait aal soezen, doe.

Nou moe ....

Kiek, dat bedoul ik nou mor. Zelfs Zusje, dij nog gain ains drij joar onderwies had het, snapt de begunselen van de ekonomie al veul beter as doe.

**Zusje:**

*kikt hail bliede en verwachtersvol*

*noar heur bruiier*

**Doetje:**

En nou as de sodemieter noar de keuken, want ik stik van d'honger en t wordt al wel tied veur n pane eerappels, docht ik zo.

*trekt Zusje aan t hoar noar de keuken*

**Fred:**

n Beetje rusteg mag toch ook wel, nait. Zo gaaist toch nait mit dien zuster om.

**Doetje:**

*lopt noar Fred en pakt hom*

*bie t oortje*

Nait aal zo'n grote snoet, doe

Doe moust ook wat veur de kost doun. Wie hebben noamelek oardeg wat flèzen neudeg veur ons drankjes.

**Fred:**

*flèzen worden bie d'bère van de  
plaanke hoald en in n matte doan  
en Fred gaat noar d'keuken*

Nou, lege flèzen genug

t Doktersbedrief van Doetje Klaain komt langsoamaan op glee, mor mit n hongergevoul kinnen je nait waarken. Doar mout dus eerst wat aan doan worden. En mit n keukenprinses as Zusje komt dat wel goud. Of nait! Hou t òflopt, lezen ie in de zesde òflevern.